



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҲАДИБЕРҶА

СИ' ИВ ЯЛЯХАНА ҲОПОЙ' СЕРТАБИВА'

Мэбета вадава" ила' панан' етри' мэква"! НЯРЪЯНА НЭРМ



№ 52 (5222)
2024 по'
декабрь иры'
28 яля

СУББОТА

Российская Федерация Ямало-Ненецкий автономный округ



Сидяңг: Р. Окогэтто' тадтавы

Едэй пом'
ңате"

3

Хусувэй" хибяри" тев' ёль-цяңгана ханзер" манзаравамдо' тасламби". Редакцияханана" газетам' минренаңэ ңобтики нянда" пудана" юне тэвраван' харвава". Маня" ңобкана по' ямбан' таңгм' ниваць хомбю", хусувэй си"ив яляхана пыдара" е"эмнянда" нерня' ңаваць.

Тюку пова" редакцияханана" мянунванда ёльце ненадось. Сяни" по' сер' ненэциена" тасна хая". Паднавада" ма"лава". Та' ңопой нядва" ңадимьясь. Мале сян иры нянана" мэ"махаданда таслава", нява" пон' ңатевэва". Теда' хусувэва" харта ман-заямда минре, харта тене-вабцода, ва"лэй ңэвада тая. Пудана по' сер' хэв-няд ңани' ненэциена" падна", тарцина" ңани' ңокма", тодо" яхана иле". Пыдо' хусувэй си"ив яля-хана варемдо'



Сидяңг: Р. Окогэтто' тадтавы



мэ"ңа". Ҳоб' сер' ңамгэри" тарана" юн падыбива". Невхы по' тотрев' лаханако", ярабц" тамна ңадиберҶа". Тикына" ненэй ненэцяңэ вадана" паңгҶэ таславы". Толаңгобта" тамна сававна вадамда" тохолаңгура", ехэрана вади хамедаңгуда".

Редакцияна" терҶэ, ненэцие" ила' нямна паднаңаңэ ханярим-на ңэдалёрҶава", ехэрана" я" пано" нямна ядэрҶава", хибяри лаханако ня"ңава". Ҳодь яля' ня ңэда илаңгав – намдувандава", ңани' е"эмнанда" тэвравандава". Тюку по' тарем' торомдавэва" ңокась. Пякуна" ңод" вадито' хэтыр"мана ңани' падна". Пыдо' Пур' няна ңэда" иле"мидо' ңани' харто' тола пирҶадо'.

Паднава' хавна ненадо" серк" сидна" нядаңгованзь ханзеты". Ҳокадо' ңэрм' терҶэ вадина", ила' нямна ңэсеты". Тикыд нянана" ңани' ңарка няд"ма", ненэця" сидна" мание", те-нева". Тюку по' вади лэтрава' нямна ңэда форуман' ңани' тэворҶаваць. Си"ив я' тер" Санкт-Петербургхана ңарка тасалковам' мэ"ңаць.

Таяна, маня" ханзер" ненэй ненэцяңэ вадава" мэ"мава", паднавава" ваде"ңаваць. Ҷани" тэнзаха" тасла, серона" саць вэвари" нивы" ңа". Тодо" ңэрм' терха" ваде"мына" таравы", ханяримна хонаркурҶаць.

Сяхаринда интернет' мутрам' няд"мяць сидна" ңани' хось пиртада". Тюку илаңгана ман-заяханана" тарцясипой" ңани' нива" пирас". Таянд мэкад' ңавэ нядна" тола пиртада", видеоңэ сертавына" манэтада".

Россияна" тигывна тад" то-ванда 2025 пом' ява" лэтрамбади" поңэ мэтава". Ямалханана" луца вадавна ненадо нюмда – Год героев. Ханярина ңарка", нюдя" харад' тер" сямянхат ва"лэй", ненадо" ненэциедо' савута". Тикы" – Ҷарка сайноро"махана мэвы" иринана", СВО' няна ява" лэтрамбада", я' индадм' нерденаңэ ңэрм' яханана" ховы", хусувэй яля' нись тоса илевава" лэтамбада", илма" савумдамбада" яна" тер".

Маня" варева мэтава", хусувэй минрена серм' нянда" вадетава".

Марина Яр'
падвы



Яна" ерв' ненадо" вада"

Россия яна" нермбэрти Владимир Путин ңарка пресс-конференциям' мэ"ңась. По' ямбан' иле"мина" нямна лахана-сь. Тикы' хавна тованда похона минреванда" серо ваде"ңась. Ненэця" тоенана" серото' нямна хонаркурҶаць. Ҳокханда нядандо' сидя миллион' пир" хонаркова' вадам' ня"амвы". Ҳобт' таслаб", сямянхат ңокавна иле мядо", ңавар" мир", лекар" серо" нямна пад-

навы". Ҳока вадам' ңани" ё" нямна хонрамбавы": няюндо' тэяңгува", нива".

САЙНОРМА' НЯМНА

«Пили" нерде' Россия яна" нямна ибедорҶава"», – тарем' Китай' няд ңэда юне тэволанан' лаханась. Тикы ненэць сайнорма' нямна хонарковы: «Лакри' ңопой яляхана сайнорам' нулта пир-Ҷара"? Тарця серм' ханзер" тасламбира"?» Нермбэртияна"

вадавна ява" лэтрамбада" мале сян мэва' тарця иңут' ха"мормы". Тарем' ңод" нянана" сайнорта" харто' тарем' ни" харва", хэд" индо' ңу нёда". Сайнорам' нултабна", пыдо' хаця нылаңгу", тикы' пуд ңани' няюна" пяңгудо'.

ЭКОНОМИКА' НЯМНА

Илна" паңгҶэ – экономика тара. Яна" ерв' вадавна серона" сава". Ҳопой яхана нива" ну". По' пуданахана ВВП 3,9%

пиркана ңа. Илма" нерняри' тидхалембива". Россия ңардавна манзаясяда ненэцяма" тянэ – 2,3% пир". Ненэця" манзайто' е"эмня ня"марпада" недбидо' 9% ёльцянд' ңарамда". Тарем' ңод" вэварка серона" ңани' ңадимдана". Тадри' ңавар" мир" мирерта".

(Пеляда 2 стр. ңа)

Г. Окогэтто' падвы



Тецьда" Ири" ма"лёвы"

Хусувэй по' Едэй по' това' нерцю" Яр-Салыхана илена" ненэця", һацекеы" нули" маймбасеты". Няндо' Ямальской район' тиңгыхыд һэда" Тецьда" Ири" не нюто' ня мядоманзь тосеты".

Тюку по' мале самлянзимдей ма"лёвадо'. Помнандо' юкад вата мандал" пирдырмы". Тохолкода", һарка" ненэця" поңганандо' таниявы". Тецьда Ири нядабаданэ яханана" сертавы" мультфильмха"на мэнараха", лаханакохо"на вадетарха" һамгэ" таравы". Нертеңгурмамдо' сямьхат һарка ядэлавандо' мюня мэмэдо'. Няндо' сырманзь харад' тер" мал" товы". Ханяңыдо' ханимоңгадандо' мальцята, паньыта тарпавыд".

Мядондидо' сиддо' майбтамба таравы", хыно"мы", хоровод мэмь". Мэта" һамгэридо' манэ"лабтамбавы", лаханако ваде"мы". Тикэхэбидо' ёльце тодо" тэнз" һэвы", һобто"лас һоб" яңговы. Хар"н тания" тэвавы һэхэвабни саварка һэңгусь, тадтаңгунась, теда' интернет' мутивна манэ"янась. Неноховавна һацекеы" нули" маймбавы". Һопойдо' тарем' мамы:

–Лаханакон' тэвана то"олхадамзь, сянаковарива" мэ"һаваць. Хуркари" ембди́ро мэта" помнана" ядэрһаць. Хусувэй һамгэ яберена' то"олхась. Тэкоцяхарт тэвравыць, ханяңы" хан' ни" тиңгаць. Мань таңга пивна ядэсумбидамзь, ибе"мани е"эмня мальцями, пибини серадамзь.

Тамна һани' ненадо' мядондадо' Ямал

Ири һэвы. Пыда не нюнда ня' Сёяха' няд товэхэ'. Тиртя һанохо́на миндаханди' нули" пэдавэхэ'. Тарця хэбидя ялян' тэв"махаданди' тэри пэдэсьялмэхэ'.

Харто' һудаха"нато' сэдвыдо', сертавыдо' мирдапада" һани' тикахана мэвыць. Харад' тер" ненэй ембды́ро, һавар", хуркари яёлако нито' һуда' терһэ тэмда пир"мыць. Ярмарка сидя ныланава' аляха' ямбан' мимысь.

Тад хуняна «Яля' сэвхана» ма"люрмы". Танияна нерня' хэвыто' нюбе намдавы". Сямьхат Сёяхахад товы Тецьда Ирим' саву"мы". Сыра' не һацекехэт Новой Порт' терм' няхатата сядотаңэ таславы".

Анна Яптик' падвы



Яна" ерв' ненадо" вада"

(Нюртей пелямда 1 стр. толара")

НЕНЭЦИЕ" ҺОКАД' НЯМНА

Лаханаванда мальһана невхы" СССР, мальһы" по тензебетсь. Техэ" похо"на сояңгана" һацекеы" һока һэвы" - 2% пир. Едэй илаңганана" мале сян по' тяхана 1,7% һэвы. Теда' - 1,4% ёльцянд' тянёма". Вадавнанда һаябэй" һацекеы" 2,1% пират һокамбато' тара. Тикы серкана няд"маңэ «материнский капитал»м' ваде"һаь. «Семейная ипотека» нюбета нядаңгосэй һани' тания тидхалы. Тикы хавна тодо" ё" һэвахана мэна" ненэцието' е"эмня һани няд"ми һадимдемби".

ҺАНИ" Ё" НЯД ТУРТА" МАНЗАРАНА" НЕНЭЦИЕ" НЯМНА

Россиян' товандо' нерцюна яңга тохолкобто' тараңгу. Неноховавна луца вадам' теневабто' серо"һа. Һока ненэця" Центральной Азия' няд турцеты". Мядо мимбаданэ, харад' поңгы таборо ма"лабаданэ, хыди халтамбаданэ, тамна һани' манзаяха"на мэсеты". Е"эмнандо' едэй мутры мэй", һока манзарана нись тараңгу". Тикы хавна нянандо' мято' тер тэвравы" һэбто', һацекеыдо' луца вадам' ехэрабто', школан' тохолко нидо' һэдарамбаңгу".

ЛЕКАР" МАНЗАЯ

Ненэциена" сенз һэва лекар" манзаяхад пере. Һэвахы" ерв" областьханато', крайханато' лекарато' таниявам' харто' тасламбато' тара. Хуркари" тэнз" хабцяңо лекарабтамбададо' танияб", яна" тер" сенз" һэңгу". Пыхыдадо' мер савумдамбаңгудо'. Һадьбьята нермбэртъява" лекараңэ тохолкоди һокамдамбавам' ваде"мы.

СВО' НЯНА САЙНОРТА"

Тандаярка Тихоокеанской флот' няд мядонзэйм' ня"амвы. Тикы - танияна сайнорта" нина" лабак. «Хусувэй ява" лэтрамбада' ненэця' ненадумда"маңэ тасламбив. Пыдо' илма" лэтамби". Сайнорма' яхана нерняри' миңа". Һока ям' саюхат һэдавы". Мал" пирһадо', сейдо' мэй"», - саю пидебато' нямна лаханавы. Тамна недбидо' ваде"мы: «Сайнорта" нина" һадимдембада еся няд"мидо' мал" ня"маңгудо'». «Время героев» программам' саву"мы: «СВО' пуд товы" мяканандо' манзаядамдо' тохоламби". Ханяңы" теда' едэй теневабцудо' мэць мале манзара"».

ЕДЭЙ" Ё" НЯМНА

Танияна иламдо' тамна несэйдамбива". Мариупольхана ёнаркад вата мядм' сулормы". Тамна самляңг юр" иле харадм' сулорпаванзь падродо' ма"ламби". Няхар" юр" ёнар" пир" харад' тер" мякто' товы". «Харто' ныхыдо' мэць иламдо' нерня' минредо'», - тарем' ненэцие саву"мыда. Няхар" по' ямбан' сехэрыдо' несэйвана лехэбтамбаңгу". Лекар" мядо, тохолкова' я мимбаңгу".

ҺАНИ" Я" ЕРВО" НЯМНА

«Россия ява" ныхыда һока. Хибяхартад нива" пере", ханяхартад табекодва" нива" пюр". Нива" муңзю", хэвняд һамгэхэртм' нива" һате". Еңгава" ямб. Нива" маяндор". Вадава" мин"һа. Ява" лэтрамбадина" мэбе"һа", сайнорць мэта" мирвдо' тания". Тикы хавна БРИКС' нюбета я' ерв" няюна" тэя". Һопой и' һудм' мэць серона" тасламбина". США' һэвахана мэна нянани лаханаван' харвабата, пуңя' нидм' һэңгу". Хэд' иңуми яңгу. Мале сян по' Россия сава няңэ Китай тара. Нерняңы илаңгана һобкана минреванда" манзаина" тамна тания"», - һани" пареһода' я" тер' няю' нятвана" нямна лаханавы.

Г. Окотэтто' падвы

Едэй пом' җате"

Сидянг. Р. Окоэтто' тагтавы



Салехардаханана" школахана тохолкода" җацекеы" җарка пэвдей' иры' пудана яляхана едэй пом' ядабтавам' җате". Школаханато' хуркари" тарабцо, сянакубц няндо' җадимдембасеты".

Җоб" яля' Обдорской гимназиян' ханҗадамзы. Тикахана тохолкода" җацекеы" едэй пон' хамековыць. Тохолко мэлвито' мюй хуркари" падвы", саламҗгана" сянакохо"на, мишураха"на падтавыдонзы. Коридорто' мюй җобтарем' ялэмдавыдонзы, падвы" хадыци палмыць.

Сидянг. Р. Окоэтто' тагтавы



Җарка пэвдей иры' юкад ва- та хасаваюдимдей яляхана нюдямбой" классаха"на мэна" хэбидя ялямдо' мэҗадонзы. Хусувэдо' падвы ембадирм' сервы. Сидто' тохоламбада" луци" нето' ня' җарка лохо' мюня ма"лыць. Няндо' тарабцо, сянакубц манэ"лабтамбиць. Җэрм сей иримдо' няць сё хынобтамбиць. Җацекеко" маямба тарарка хыно"җаць. Иридо' няндо' сава вади ваде"җась, җудандо' терад миҗась. Тикы' поҗгана ненадовна няхар" хасава җацекеым' сэвтедамзы. Пыдо' җоб хэвсахана мэць. Лаханакурмито' сер' хамэдэян',

пыдо' ненэй ненэця" җэрха". Җани" няхато' хамеда – ни" палмана", ядбато' ензидо' таҗга, мэввна ха"морҗа". Җоб" нядо' Тусида еркарм' мэ"мы. Нябимдей классахана мэна Илья җамгэм' пэрмандо' нямна хонрамбивась. Пыда тарем' мась:

–Тюку яля' ихиняни җули" сава. Паской имбытадм' се-радамзы. Тараваць, сём' мэ"җаваць, сянакуваць. Тецьда Ири турҗась. Җудана" терад тась. Нер" урокм' җэвандаҗэ тосадамзы. Луци" нева" мась: «Теда' нида" тохолкод", ха-

дыцям' манэманзы хандава". Тикы' пуд тохолко мэлвахана" тутава"».

Илья лаханакуро"махаданда паромбарка нита пумна яляҗаць. Хэбидя ялямдо' мэсо"махадандо' җацекеы" урокахато' хаяць. Няхар"

сава нями нито' хэвхана җуда' тер ня"амба җока нито' пумна пядонзы.

Тадри' сырэй" ныланава' ялэдо' пэнгуд", мядото' тер няць Едэй пом' мэта".

Хадыкоцям' манэ"мы"

Тюку пона" ваераварида хаи. Ханярина марка"на, нюдяко" хардаха"на илена" Едэй по' хэбидя ялян' хамеку". Салыҗгардахана җацекеы" мядоҗа". Округна" җэвахана мэна ерв' табековна паской хадым' манэ"манзы товы".

Пыдо тодо" районхат, маркат җэда": Волноваха, Белгородчина, Сербия' тер" җацекеы" ява" манэ"манзы, мядоманзы тэввуд". Едэй пом' ядабтамбавы".

Җокханда няхар" юр" сидя ю" җацекеы" хэбидя ялям' мэ"мы". Салыҗгардахад няхар" ю" тохолкодам' тэравы". Җани хардахат җобтики товандидо' ненадумдавы". Сававна тохолкоди, сёбар", хуркари" конкурсаха"на, олимпиадаха"на ва"лэй", тамна җани" серка"на мэвы тэрабавы". Тикы' нито' хавна җока нюсавэй" ненэцие" ню", евако", иландо' тоенана", варючи", ям' лэтрамбавы" ненэцие" ню" маркана хадым' манэ"мы".

Ямална" җэвахана мэна ервава" җацекехэ" сава вади хэты. Нянандо' җобкана паской хадыкоця' хэвхана спектаклян' сырмы. Мядондахато' тамна җани" сянакубц, тарабцо җадимдембавы". Тикы' пуд тохолкодаха" мядонзэйдандо', җудандо' терад ми"мы". Тиканда Едэй помдо' сомбовна маймба мэ"мэдо'. Мядоманзы товы" мякато' сава им' мэць ханда".

Ява" лэтрамбадина" е"эмня

Ява" лэтрамбада" нина" е"эмня тодо" марка"на, нюдяко" хардаха"на хуркари" нядаҗгосэй сертаби". Пыдо' нянандо' етрирка җамгэри" тара". Мядото' хэвняна саць тоенана манзаям' пэрҗа".

Салыҗгардахана ныланава' яляхана сэдорана" не", илебей" ненэця" «штаб общественной поддержки» нубета хардан ма"лурцеты". Тикахана сэдора". Лыҗганэ мэ"манда" поҗг сяроти". Җокханда юр" самляҗг ю" пир" сядм' талыбада" саби сэдвы".

Тарем' манзаравандо' няю' Некоча Җокдэтта «Шьём для СВОих» проектм' сертась. Сяҗок җамгэм' сэдвамдо' ваде"җась:

–Маня" сэдоранаҗэ ныланава' яляха"на ма"лурцетыва". Поҗг паркормы" тохосо" пеляха"на сяропасетына". Нядаҗгован' харвана" җока" җэсеты". Хусувэй ныланава' яляхана турцеты". Манзаравана" ямбан' мале җока балаклавам' сэдава". Тад пуна җэдарангуна". Носиндалава' иры" пудана яляхана си"ив ю" сядм' талыбада саби ява" лэтрамбада" няха"на" җэдарэйнаць.

Мань җод" нядаҗгованзы ханцетыдм'. Җоб" яля' интернет' мутра' сер' Россияна" тер", тодо" маркат нядаҗгода" җамгэм' сертабавамдо' маниеваць. Сэдоранидо' сэдораць, ханяҗыдо' спицахана носок паҗгалпиць, поҗг сяротиць, линной сертабиць. Тиканда яна" тер" мал' тарем' нядаҗгу".

ОБЪЯВЛЕНИЕ

СЛУЖБА ПО КОНТРАКТУ В ВС РФ

ПОЛНАЯ ИНФОРМАЦИЯ ПО ТЕЛЕФОНУ **8(902)81-6-11-90**

ЗВОНОК ПО РОССИИ БЕСПЛАТНО

ВРЕМЯ ДЛЯ ВАЖНЫХ РЕШЕНИЙ!

КОНТРАКТНАЯ СЛУЖБА

5 000 000 Р

ЕДИНОВРЕМЕННАЯ ВЫПЛАТА

2 300 000 Р

ПРИ ЗАКЛЮЧЕНИИ КОНТРАКТА НА ЯМАЛЕ

Прибывающим с других регионов, возмещаются затраты на проезд от места проживания до г. Салехарда. В период оформления проживания в г. Салехарде бесплатно, 3-х разовое бесплатное питание!

ОБУЧЕНИЯ:

- ✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

1 900 000 Р ЕДИНОВРЕМЕННО ОТ РЕГИОНА

400 000 Р МИНИСТЕРСТВО ОБОРОНЫ

ДО 120 000 Р СЕРТИФИКАТ НА РЕАБИЛИТАЦИЮ

ЗАКЛЮЧЕНИЕ ВОЕННОГО СОЦИАЛЬНОГО КОНТРАКТА

ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО

РЯДОВОЙ ОТ 210 Т.Р.

СЕРЖАНТ ОТ 232 Т.Р.

ПРАПОРЩИК ОТ 292 Т.Р.

2025

ЛИМБЯ' ИРЫ - ЯНВАРЬ

ПН	ВТ	СР	ЧТ	ПТ	СБ	ВС
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

ЯРА ИРЫ - ФЕВРАЛЬ

ПН	ВТ	СР	ЧТ	ПТ	СБ	ВС
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28		

ТЫ' САПОЛАНА ИРЫ - МАРТ

ПН	ВТ	СР	ЧТ	ПТ	СБ	ВС
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

СИЕ НИЦЬ ИРЫ - АПРЕЛЬ

ПН	ВТ	СР	ЧТ	ПТ	СБ	ВС
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

ТЫ' НИЦЬ ИРЫ - МАЙ

ПН	ВТ	СР	ЧТ	ПТ	СБ	ВС
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

МАҢГТЫ' ИРЫ - ИЮНЬ

ПН	ВТ	СР	ЧТ	ПТ	СБ	ВС
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30						

НЕНЯҢГ' ИРЫ - ИЮЛЬ

ПН	ВТ	СР	ЧТ	ПТ	СБ	ВС
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

ПИЛЮ' ИРЫ - АВГУСТ

ПН	ВТ	СР	ЧТ	ПТ	СБ	ВС
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

ВЭБА' ИРЫ - СЕНТЯБРЬ

ПН	ВТ	СР	ЧТ	ПТ	СБ	ВС
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

1931



1949



1972



1987




1991





1997





2012



2020



ШО



ХОР" ИРЫ - ОКТЯБРЬ

ПН	ВТ	СР	ЧТ	ПТ	СБ	ВС
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

НЮДЯ ПЭВДЕЙ ИРЫ - НОЯБРЬ

ПН	ВТ	СР	ЧТ	ПТ	СБ	ВС
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

ҲАРКА ПЭВДЕЙ ИРЫ - ДЕКАБРЬ

ПН	ВТ	СР	ЧТ	ПТ	СБ	ВС
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

ЛЕСНОЙ
ДИАЛЕКТ

Ѓашки" хомана майдят"

Души" дилмана татњавта дидихина дety пон каам-найна". Чуки ноптухуна Дety пуң дядям шаңкмян нешаң тэмс" мэштутуң". Ненымана ѓашкиуди" таньдety майпёшту". Пуровский' районхана ѓайта калват чупей Дety пон ѓанатадыт". Катукун" ѓамтаңа, кудкади" хёйман камулта" хэлкат мемы фигурки ѓамтаңа", ѓашкиуди" вадякот шедтаңа".

Тадкахана Ѓэлм' чел" нешади" нюуди" маймаң мэт общественный' движенихна «Ямал-потомкам!» мэна" нена" нефтегазовый' предприятия" няш пон Дety пуң недышуна ѓашкиуди" мячисэт – подарки мишту". Чуки камна ООО «НОВАТЭК-ТАРКОСАЛЕНЕФТЕГАЗ» пунтахана «Ямал-потомкам!» няш Тадкахана дидина" Ѓэлм' чел" нешади" ѓашкиуди" празникат шедташту".

Чуки похона ѓыдихийтуң шед ѓашки" утренник миндеш шанат тэмс нешади" культураң дет ѓайта ЦНКхана мансланна" шичитоң нятапиш". Ѓашкиуде" недышут чики дядямтоң ѓэташтуң. Дидюнатун мят майпёш кяшту". Ненэй паныдётуң шедаш, кудкади" мэкат паныдю" мэш утренникан тоңаш". Няудетуң поңкна шанат шана'кохона" шана'ку", кынуңа", нятуң нучи" няампёш катукуң чема талаңа". Чешча вёйсыку ни нюнта няң ѓашкиуди" шана'култампёш кудкади" конкурсу" шедтаңаханьш. Чуки похона утренникан шича дюл" ѓок ѓашки" тоңаш". Мятуңчел" ѓука нешади" ню" камна

нешанатуң СВОхана хайнолта" ѓашкиуди" каптаңаш". Таның томы" хомана майдыт. Шана'кош хитамахататоң ѓашкиуде" чупей дetyпуң дет ѓайта мячисы" – подарки няамңаш".

Манядяханана ООО «НОВАТЭК-ТАРКОСАЛЕНЕФТЕГАЗ» нешади" общественное' движение «Ямал-потомкам!» няхадюкат ва'та пуң ѓокна манслаңахан. Нешади" дет ѓайта празнику" шедтапёш пидцахана мансланна" пон нятакошту". Дety пуң недышуна Пуровский' районхана мансланна" ТЭК дет тондюта" предприятия" выңкна, петадахана дидина", мансланна"

Ѓэлм' чел" нешади" ню"



Тай"ня чикехет выңкна, петадахана дидина" нешади" манславш предпрятихи" ѓайтапташтуң.

Чуки похона шича дёналкат ва'та подарки" ѓопшеды тэмтаңаш". Ѓыдихийтуң шед «Ямал - потомкам!» шаңкмян выңкна, петадахана дидина" ѓашкиуди" Дety похона поздравийны". Нешади" дидишат нюча калтыхина мэна", ѓашкиуди" мячисэт ѓупчики миты. Талдыша ѓашки" дет тондюта подаркитоң ѓупчики нешанатуң немянатуң манславш совхозхи", общинаха" митдытуң.

Утренникан томы ѓашки" поздравийпёш общественный' движенихна «Ямал-потомкам!» мансланна" нена" маңаш": шаңкмян тэмс нешади" нюуди" ни'дя канэл, хома шоньшахана Дety помтоң мыдытуң. Тат недыняң чилниймана, хома шоньшахана нетуң няш дидиңады!

мячисэт подарки" тэмташту". Ѓашки" мячисэт тэмтамайтуң подаркитоң Пюд дяханана ѓайта общественный' движенихна «Ямал - потомкам!» мансланна" нена" нямаштутуң.

Андрей Пяк
патмы





Маңгбада Вэсако Луце"э

Параҕода' харад' вэчна маңгбада вэсако луце"э илевы. Няхар" нюда ҕэвы, пухуцяда, ҕармы небяхаюда-нисяхаюда таниявэхэ'. Тиканда мале сяндо' ҕэвы. Хубтахана манзара хэбта, пэвсюмя' няна турмы.

Лаханакор тарем' ҕэбта ҕод' Параҕода' няна хая. Параҕода тарем' мамононда:

–Сидя солдат хаяди. Харад' вэчна илена Вэсако луце"эм' хоҕара".

Солдатаха' хаяха', Вэсако луце"эм' тэвради. Вэсако луце"э тарем' сырпата, параҕода тольнда тяхана ҕамдэвы. Параҕода манзь ханада:

–Вэсако луце"э, торова!

–Параҕода, торова, ҕамгэ вада?

Вэсако луцер манма.

–Вэсако луца, ирыхына недбяр сян еся! параҕода хонрада.

–Ирыхына недбями' тет еся. Нули" мась.

Параҕода ма:

–Тет есямд ханзер" томдабир?

Вэсако луце"э манзь ханада:

–Ҧопой есями' хар"ни ҕорҕав, ҕопой есями' неранданя' салдамбив, ҕопой есями' ябена пухуцями ҕорҕада, ҕопой есями' тэри юхурҕа, екар" ханяна хан"ҕа.

Параҕода манзь ханада:

–Мэкад ненэцянд ҕэвэн, ими хэбилей", ханзер" томдабид?

Вэсако луце"э манзь ханада:

–Тет есями ҕули" мась, ҕока вуни" ҕа", тянё вуни" ҕа".

Параҕода ма:

–Тикэр хобцоко ҕэдараханё".

Параҕода юр" есям' миҕа.

Вэсако луце"эн' ма:

–Юркад вата ҕопой си"ми манэ"тан, тикахана хобцокомд вадеир".

Тикы" вади" пуд Вэсако луцар мяканда хая. Вэсако луце"э сепанда мю' ҕудада хая, ҕопой есям' тюхулҕа, тад манэ"ҕада – параҕода' ся" таниявы, тад" есяда толэйда, юр" ҕопой есяда ҕэвы.

–Вэй, хобцокоми ваде"мани' ельцьҕэ хэвы.

Вэсако луце"э Параҕодаханда хая.

–Хобцокоми ваде"мани' ельцьҕэ хая.

Параҕода ма:

–Сяха' юркад вата ҕопой си"ми манэтан – тикарихина вадеир".

Вэсако луце"э ма:

–Юркад вата ҕопой сит манэ"ҕадм'. Сепанда мюд есяда ҕадимде: «Юркад вата ҕопой сит манэ"ҕадм', ти, харт манэ"карт».

–Вэсако луце"э тарси" иңудоҕан, ҕари" таремҕгав' нивэдм' тоса", теда' е"эйдани параҕодаҕэ тара".

Вэсако луце"э тиканда Параҕодаҕэ таралй".

Лаханаконд та' валакада. Татьяна Сэротэтто' падвы

Хусувэй хибя тюку лаханаком' толабаванда пуд хамедабата тара: ханя' тамна сидя есямда Вэсако луце"э митерпида? Ҧопойм' – пухуцяда ҕорҕада, нябим' – харта мэ"ҕада. Хибян' тамна сидя есямда мипида?

Ҧамгэ вэсако Параҕодан' то? Параҕода нянда маси": юркад ҕопой си"ми манэс", тикарихина хобцокодм' вадеир"?

Таслирта тарця: Пудана сидя есямда нюхута няби нисяхаюта, небяхаюта ня' мипида. Нюда сидта лэтамбава' е"эмня нерня' салдамбида.

Параҕода юркад вата ҕопой тавы есяхананда сидяҕада таниявы, вэсако ҕадьбята тарем' таслада: юркад вата ҕопой есяхана параҕоданда сядм' нидав манэс".

Ҧацекы" падна" <

Падвэко

Мань вадавы ҕавками тания. Нюмда–Падвэко.Ҧадьбянитарем' нюмдевась – тарта падвы, тэвакоцяда париде. Падвэкоцями мюсе, малко мэцетыв. Ҧавкакоцяни небяда ҕани' падвысь, нёлёкоця ҕэванда мальҕгана небями няньхана, евэйхана ҕавламбасетыда.

Ҧарво"махаданда етри' хэвхани турцеты. Мань няньхана ҕавламбасетыв. Нюдя ҕэвани' мальҕгана няхар" няньм' ханасетыдм', ҕавка" мал' ҕамзетыдо. Талерка нянда няньм' мицетыдм'.

Яндо Афанасий' падвы, 3 б класс

Ҧавкахаюни'

Ҧарка пэвдей ирыхына едэй по' нерня мякана" сидна" ҕэдараць. Хоян' танэйнаць. Мякнани вэнекуни" минхандо' си"ми тумдаць. Пэвсюмя' няна ҕавками мяе тось. Нюмда – Братик, ҕани' ҕоб" ҕарками тания – Кроха не. Пыди' си"ми ҕани' тумдаҕаханзь. Ҧавкахаюни' няньхана ҕавлаҕахаюнась. Етри' пумнани' ядэрцетыхы'. Пя' юпвани' ёльцяҕгана пили" хэвханани мэ"ҕаха', сехэдами хосаяб"нани ҕобтикы пумнани ядэрцетыхы'. Мюсевана" ёльцяҕгана хэвханани ядсетыхы'. Ҧавкахаюни' ҕули" харвобтаҕахаюн'.

2011 похона Салиндер Юлия' падвы, 6 класс

Иле"мя

Хойхана ҕопой мяд' тер" илевы". Мяканандо' тетдо' ҕэвы": нисядо' - Янчко, небядо' - Мерета не, не нюди' – Саване, хасава нюди' - Ляля. Мат" ю" тэдо' ҕэвы. Таҕы ҕэвы. Ҧобаңгуна Саване мараңгам ма"лаванзь хэвы. Хой' ниня миндя парисе"э ҕамгэм' манэ"мы. Малкодаҕэ пэрмэда. Не ҕацекы тания' хэвы, яха' мад' ня'. Тикы ҕамгэри саць мерець мимы, яха' варан' тэв"махаданда, тандая' сававна манэ"мэда. Сармик ҕэвы. Саване сеянда хэсь, пуны' ҕули" сюрбвы". Неранда няна тет сэр" хабтм' мэта хасава ҕадимы. Маханда няд сюдбя поскамда нэкалҕа, я' сармикм' сидя яҕор" ядада, я' сармик таминда хавы.

Нем' хананда ни' пэҕада, мяканда ханада. Тарем' мэнаханди' мяканди' тэввэхэ', ҕорҕаха'. Хасава иламда ваде"ҕа, сидя ю" самляңг пода ҕэвы. Сидя по' хэ"мяхад Саванем' хаюпа ханавэда.

2008 похона Яр Милана Витальевна' падвы, 8 б класс



Хубта ян' тэвавы"

Сидяңг: С. Зубков' тавы



Нямыхы минда Ямал Ири округна" тиңгывна нэдалёрна. Хуркари марк", нудяко хардаха" тэворна. Сита яна" ханярина нате". Нянанда парнэко, Сыра' не һацекеы, тадтаңгода ядэрна". Пыдо' мал" һобанзер" Едэй по' ед' нэда серм' минре", һацекеы сянакултамби".

Тандая' Сёяха хардан' тэвавыдаць. Хэвы" похо"на Ямал Ири сяхаңгарт' тая' нись тэвор". Тюку по' тадхав' һаха" тэвавы". Таянны я' тер" ненадо мядондахандо' ёльце майвыдаць. Нэдалёро"мида няна" ваде"ядась, телефонувна вабцамда намдадамзь:

–Тюкохона си"ми нули" һатевыць. Навнанда Сёяха' хэвувна тэри нэдалёрцетыдм', ихинани товахаван' харвасетыдм', мядо"мана ядэртахани һопой ирыми тянёлёңгасеты. Ява" һарка нэ"нив". Интернатан', нудяко" һацекеы" мэлаван' хан"һадамзь, няни хуркари мэкад стихотворения ваде"һаць, сё мэ"һаць. Нерня' луца вадавна тороватадамзь, пуна ненэця' вадавна. Нядани хонаркурһаць: «Ненэй вадавна теневан?» Ма"нисядам: «Я' сяр' ниня сян вада тая, мал' теневын». Нюка ям' сюртебни һод' пэдаңганарахадм' һоб" нидм' һа",

ханяцей" ныласетыв". Носиндалава' ирыхына пирдырмами миһась. Сёяха' тер" һацекеы" хадькоця' сянакод һобтики сертавыць. Нопойдо' Тусида еркарем' мэтадо' ябдавысь, мядонзэйхана ми"һавась.

Ямал Ирим' манэ"ман' харвана" культура' мякана ма"лёвыць.



Сидяңг: А. Серасхова' тавы

Тохолкода" сиддо' тохоламбадито' ня' ядэрмыць. Антонина Серасхова' класс' тер" сянакованзь һани' хан"мыць:

–Һацекеыни ня' ирива" манэ"-манзь һобкана хаяваць. Теда' падарт' тохоламбадини ня-бимдей классахана мэ". Небой поход тохолко пэвы" мале ваңурһа". Ямал Ирим' манэ"ма нянандо' ёльце савась. Смян таяна сёдо' тензибтець, сёдо' тэри хайнаць. Ненэця' вадавна, луца вадавна падна стихотворения ваде"һаць. Ханяһы" етя' тохоламбидонзь. Таремгав' Едэй по' ед' нэда тедари' няндо' сабе ниваць мипю", тандая' пэйнаць, һадьбята һамгэм' тензибте", тикым' ваде"һаць. Хороводм' мэ"-һаваць, сянакуваць. Парнэко, Сыра' не һацекеы тикахана мэць. Няна" иле"мям' ваде"һаць. Мань нянахартани мэкадась. Ямал Ири сяхаңгарт' турмада яңгунив", тарцям' манэць ехэра" нисява"ам", тэрихив ха' малхана намдормэкева", ханяһэхэ"на ваде"мэкева". Луца' Тецьда Ири-рим' сававна теневиам". Мал' маймбицей. Няндо' хамбеткаци мипись. Пуна школан' тэв"махадана" ядэро"мава" пон' ваде"һаваць. Иле"мина" урокахана тензибтембинаць, ныланава' ёльцяңгана. Небо' һани' һатеваць, тамальһгана тамна һуда' тер сертабиваць, тюку похов тая' ниваць тэвор", манзаява" һокась. Теда' янамбовна хой' ня' хэванзь хамекува", контрольной манзаи падыбива", оценкына" һабтамбива".

Ти, тарем' һэрм яхана мядомы, ненэцие майбтавы. Маня" һод' редакцияхана һобтики һатева". Нянда подпискам' сертаңгува", ненэй вадавна толаңгода, смян юнхат теневаңгу.

Анна Яптик' падвы

Газета «Няръяна Нгэрм»	Главный редактор Яр Марина Тэтакучевна	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна	№ 52 Подписано в печать 26.12.2024 г. Вышла в свет 28.12.2024 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д.9, каб.708).			Тираж 3616 экз.	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)			Заказ № 1966 (тираж 1581 экз.) отпечатан в АНО «Ямал-Медиа»	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Юридический адрес: 629003, Ямало-Ненецкий автономный округ, г. Салехард, мкр. Богдана Кнунянца, д.1, каб. 106 Фактический адрес: 629007, Ямало-Ненецкий автономный округ, г. Салехард, ул. Чубынина, 39А	Адрес редакции: 629003, ЯНАО, г.Салехард, мкр. Богдана Кнунянца, д1, каб. 106 тел. (349 22) 4-53-32
			Заказ № 1966/1 (тираж 2035 экз.) отпечатан в АНО «Ямал-Медиа» 629309, ЯНАО, г.Новый Уренгой, ул. Северное кольцо, стр. 2/4). Газета выходит по субботам.	E-mail: nn@yamal-media.ru